

汉  
魏  
丛  
书

汉魏丛书

越絕卷五

請糴內傳

昔者越王句踐與吳王夫差戰大敗保棲於會稽山上乃使大夫種求行成於吳吳許之越王去會稽入官於吳三年吳王歸之大夫種始謀曰昔者吳夫差不顧義而媿吾王種觀夫吳甚富而財有餘其刑繁法逆民習於戰守莫不知也其大臣好相傷莫能信也其德衰而民好負善且夫吳王又喜安佚而不聽諫細誣而寡智信讒譖而遠士數傷人而亟亡之少

明而不信人。希須臾之名而不顧後患。君王盍少求  
卜焉。越王曰。善。卜之道何若。大夫種對曰。君王卑身  
重禮。以素忠爲信。以請糴於吳。天若棄之。吳必許諾。  
於是乃卑身重禮。以素忠爲信。以請於吳。將與申胥  
進諫曰。不可。夫王與越也。接地鄰境。道徑通達。仇讎  
敵戰之邦。三江環之。其民無所移。非吳有越。越必有  
吳。且夫君王兼利而弗取。輸之粟與財。財去而凶來。  
凶來而民怨其上。是養寇而貧邦家也。與之不爲德。  
不若止。且越王有智臣曰。范蠡。勇而善謀。將修士卒。

飾戰具以伺吾間也。胥聞之。夫越王之謀。非有忠素  
請糴也。將以此試我。以此卜要君王。以求益親安君  
王之志。我君王不知省也。而救之。是越之福也。吳王  
曰。我卑服越。有其社稷。句踐旣服爲臣。爲我駕舍却  
行馬前。諸侯莫不聞知。今以越之饑。吾與之食。我知  
句踐必不敢申胥曰。越無罪。吾君王急之。不遂絕其  
命。又聽其言。此天之所反也。忠諫者逆。而諛諛者反  
親。今狐雉之戲也。狐體卑而雉懼之。夫獸蟲尚以詐  
相就。而況於人乎。吳王曰。越王句踐有急而寡人與



之其德章而未靡。句踐其敢與諸侯反我乎。申胥曰。臣聞聖人有急。則不羞爲人臣僕。而志氣見入。今越王爲吾蒲伏約。一作納辭服爲臣下。其執禮過。吾君不知省也。而已故勝威之。臣聞狼子野心。仇讐之人。不可親也。夫鼠忘壁壁。不忘鼠。今越人不忘吳矣。胥聞之。拂音弼勝。則社稷固。諛勝。則社稷危。胥先王之老臣。不忠不信。則不得爲先王的老臣。君王胡不覽觀。夫武王之伐紂也。今不出數年。鹿豕遊於姑胥之臺矣。太宰嚭從旁對曰。武王非紂臣耶。率諸侯以殺其君。

雖勝可謂義乎。申胥曰：武王則已成名矣。太宰嚭曰：親僚主成名，弗忍行。申胥曰：美惡相入，或甚美以亡，或甚惡以昌，故在前世矣。嚭何惑吾君王也。太宰嚭曰：申胥爲人臣也，辯其君何必戇戇乎。申胥曰：太宰嚭面諛以求親，乘吾君王幣帛以求威，諸侯以成富焉。今我以忠辯吾君王，譬浴嬰兒，雖啼勿聽，彼將有厚利。嚭無乃諛吾君王之欲而不顧後患乎。吳王曰：嚭止，子無乃向寡人之欲乎。此非忠臣之道。太宰嚭曰：臣聞春日將至，百草從時，君王動大事，羣臣竭力。

以佐謀。因遜遜之舍。使人微告申胥於吳王曰。申胥進諫。外貌類親。中情甚疎。類有外心。君王常親覩其言也。胥則無父子之親。君臣之施矣。吳王曰。夫申胥先王之忠臣。天下之健士也。胥殆不然乎哉。子毋以事相差。毋以私相傷。以動寡人。此非子所能行也。太宰嚭對曰。臣聞父子之親。張尹別居。贈臣妾馬牛。其志加親。若不與一錢。其志斯疏。父子之親猶然。而況於士乎。且有知不竭是不忠。竭而顧難是不勇。下而令上是無法。吳王乃聽太宰嚭之言。果與衆申胥遜。



遜之舍。歎曰。於乎。嗟君王不圖社稷之危而聽一日之說。弗對以斥傷大臣而王用之。不聽輔弼之臣而信讒諛容身之徒。是命短矣。以爲不信。胥願廊目于邦門以觀吳邦之大敗也。越人之入我王親所禽哉。太宰嚭之交逢同。謂太宰嚭曰。子難人。申胥請爲卜焉。因往見申胥。胥方與被離坐。申胥謂逢同曰。子事太宰嚭又不圖邦權而惑吾君王。君王之不省也而聽衆彘之言。君王忘邦嚭之罪也。亡日不久也。逢同出造太宰嚭曰。今日爲子卜於申胥。胥誹謗其君不

用胥則無後。而君王覺而遇矣。謂太宰嚭曰。子勉事

多

一作

後矣。吳王之情在子乎。太宰嚭曰。智之所生。不

在貴賤長少。此相與之道。逢同出見吳王。慚然有憂

色。逢同垂泣不對。吳王曰。夫託我之忠臣。子爲寡人

遊目長耳。將誰怨乎。逢同對曰。臣有患也。臣言而君

行之。則無後憂。若君王弗行。臣言而歿矣。王曰。子言

寡人聽之。逢同曰。今日往見申胥。申胥與被離坐。其

謀慙然。類欲有害我君王。今申胥進諫。類忠然。中情

至惡。內其身而心野。狠君王親之不親。逐之不逐。親

之乎。彼聖人也。將更然有怨心不已。逐之乎。彼賢人也。知能害我君王。殺之爲乎。可殺之亦必有以也。吳王曰。今圖申胥。將何以逢。同對曰。君王興兵伐齊。申胥必諫曰不可。王無聽而伐齊。必大克。乃可圖之。於是吳王欲伐齊。召申胥對曰。臣老矣。耳無聞。目無見。不可與謀。吳王召太宰嚭而謀。嚭曰。善哉。王興師伐齊也。越在我。猶疥癬。是無能爲也。吳王復召申胥而謀。申胥曰。臣老矣。不可與謀。吳王請申胥謀者三。對曰。臣聞愚夫之言。聖主擇焉。胥聞越王句踐罷吳之

年宮有五竈。食不重味。省妻妾。不別所愛。妻操斗身。操概自量。而食適饑。不費。是人不死。必爲國害。越王句踐。食不殺而饜。衣服純素。不綢不元。帶劍以布。是人必死。必爲大故。越王句踐。寢不安席。食不求飽。而善貴有道。是人必死。必爲邦寶。越王句踐。衣弊而不衣新。行慶賞。不刑戮。是人必死。必成其名。越在我。猶心腹有積聚。不發則無傷。動作者有死亡。欲釋齊以越爲憂。吳王不聽。果興師伐齊。大克。還以申胥爲不忠。賜劍殺申胥。髡被離。申胥且歎曰。昔者桀殺關龍。



逢紂殺王子比干。今吳殺臣。參桀紂而顯吳邦之亡也。王孫駱聞之。且卽不朝。王召駱而問之。子何非寡人。而且不朝。王孫駱對曰。臣不敢有非。臣恐矣。吳王曰。子何恐。以吾殺胥爲重乎。王孫駱對曰。君王氣高。胥之下位而殺之。不與羣臣謀之。臣是以恐矣。王曰。我非聽子而殺胥。胥乃謀圖寡人。王孫駱曰。臣聞君人者。必有敢言之臣。在上位者。必有敢言之士。如是卽慮日益進而智益生矣。胥先王之老臣。不忠不信。不得爲先王臣矣。王意欲殺太宰嚭。王孫駱對曰。不

可王若殺之。是殺二胥矣。吳王近駱如故。太宰嚭又  
曰。圖越雖以我邦爲事。王無憂。王曰。寡人屬子。邦請  
早暮無時。太宰嚭對曰。臣聞駟馬方馳。驚前者斬。其  
數必正。若是越難成矣。王曰。子制之。斷之。居三年。越  
興師伐吳。至五湖。太宰嚭率徒謂之曰。謝戰者。五父  
越王不忍而欲許之。范蠡曰。君王圖之。廊廟失之中  
野。可乎。謀之七年。須臾棄之。王勿許。吳易兼也。越王  
曰。諾。居軍三月。吳自罷。太宰嚭遂亡。吳王率其有祿  
與賢良。遷而去。越追之。至餘杭山。禽夫差。殺太宰嚭。

越王謂范蠡殺吳王。蠡曰：臣不敢殺主。王曰：刑之。范蠡曰：臣不敢刑主。越王親謂吳王曰：昔者上蒼以越賜吳，吳不受也。夫申胥無罪殺之，進讒諛容身之徒，殺忠信之士，大過者三，以至滅亡。子知之乎？吳王曰：知之。越王與之劍，使自圖之。吳王乃旬日而自殺也。越王葬於卑猶之山，殺太宰嚭，逢同與其妻子。

越絕卷五終

蘇繇卷正繇

蘇王藝斌卑繇之山繇太宰磻欒同與其妻于

味之蘇王與之險對自圖之吳王八年日而自繇也

繇出計之士大毆者三以至繇寸午映之乎吳王曰

與吳吳不受也夫申吾無罪繇之與繇對容良之於

繇曰臣不類所主蘇王繇謂吳王曰昔昔士蔞以蘇

蘇王謂蘇繇蘇吳王繇曰臣不類繇主王曰所之蘇



越絕卷六

外傳紀策考

昔者吳王闔廬始得子胥之時。甘心以賢之。以爲上客。曰。聖人前知乎千歲。後覩萬世。深問其國。世何昧昧。得無衰極。子其精焉。寡人垂意聽子之言。子胥唯唯不對。王曰。子其明之。子胥曰。對而不明。恐獲其咎。王曰。願一言之。以試直士。夫仁者樂。知者好。誠秉禮者探幽索隱。明告寡人。子胥曰。難乎言哉。邦其不長。王其圖之。存無忘傾。安無忘亡。臣始入邦。伏見衰亡。